

HADIAH MUSLIMIN INDIA KEPADA MESIR

CENDERAMATA YANG BERHARGA

Di antara hadiah-hadiah yang berharga yang telah dihadiahkan kepada kutubkhanah Mesir ialah sebuah kitab suci Al-Quran al-Karim. Kitab suci ini ialah hadiah daripada seorang raja Islam India. Panjangnya enam kaki dan lebarnya $4 \frac{1}{2}$ kaki. Dengan ini menjadilah kitab itu sebesar-besar kitab Quran dan semahal-mahalnya.

Kertasnya pula terbuat daripada jenis “katani” iaitu kertas yang mahal dan bersapu dengan air emas ayat-ayatnya tertulis dengan khat cantik. Kitab suci ini adalah berjilid dengan perak yang parsih dan indah buatannya.

Cenderamata Ajaib

Di antara cenderamata yang menarik perhatian di dalam kutubkhanah itu ialah sebiji telur ayam yang ditulis di atasnya suatu kisah tua.



Mushaf al-Quran al-karim hadiah daripada maharaja Islam India kepada Mesir tulisannya yang cantik, ditulis oleh ahli seni tulis India yang masyhur.

tua tulisannya terang dan cantik, dan menurut penyiasatan sudah berusia 100 tahun.

Menulis di atas benda-benda kecil seperti biji gandum adalah berkehendak kepada kemahiran dan kalau yang hendak ditulis itu berkenaan agama maka seni penulis dikehendaki bersih badan dan fikirannya.

Menulisnya pula dengan qalam yang khas dan dakwatnya berasal daripada tumbuh-tumbuhan. Si penulis dikehendaki membasuh tangan pada tiap-tiap kali menyudahkan satu baris. Demikian pula hendaklah ia jangan makan daging.

Selain daripada itu ada lagi didapati di dalam kutubkhanah, tersebut sebiji gandum tertulis di atasnya nama-nama yang memegang pemerintahan Mesir semenjak kedatangan Islam kesitu hingga hari ini iaitu ditulis oleh al-Ustādh Ḥasan ‘Abdul Jawād seorang *lawyer* Mesir.

Ada lagi sebiji, iaitu yang ketiganya, tertulis di atas ayat Quran dengan khat Ustādh Muhammad Tahir al-Kurdī, khatib dan penjaga kutubkhanah Mekah al-Mukaramah.



Tiga cenderamata yang berharga: sebiji telur ayam dan dua biji gandum yang tertulis di atasnya kisah-kisah tua dan ayat Quran.